

Minister di enseñansa :

“Bishita na Canada, tabata tin como meta pa crea mas posibilidad pa studiantenan Rubiano”

ORANJESTAD - Recientemente minister di enseñansa esta Michelle Hooyboer – Winklaar a bishita Canada conhuntamente cu un delegacion di Aruba y un delegacion di universidadnan na Hulanda pa cera mas opcionnan pa studiantenan di Aruba como tambe Hulanda, bay Canada pa studia.

E mandatario ta conta Bon Dia Aruba, cu esaki ta e prome biaha den historia cu esaki ta tuma luga.

E meta principal tabata pa cera colaboracion nan hunto cu ta haci cu studiantenan di Aruba y Hulanda por traha mas di cerca cu otro. Segun sra. Hooyboer – Winklaar Canada cu Hulanda tin un relacion hopi estricto pa hopi tempo caba. E pareha real esta Rey Willem Alexander cu Reina Maxima tambe tabata presente pa haci diferente bishita. Esaki tabata en conexion cu e aniversario di libertad Hulandes, pa medio di militarnan Canades. Pues e pareha real tabata eynan pa duna un danki.

Calidad di enseñanza

Canada ta un opcion hopi interesante pa Aruba, segun e mandatario pasobra cu Canada ta duna un calidad di enseñansa hopi halto. Si wak e “global ranking” di educacion, Esunnan cu ta midí y evalua cu e programanan na diferente universidadnan rond di mundo. Canada tin un puesto hopi halto riba e lista nan ey. Tanto cu e calidad pero tambe cu accesibilidad di estudio. Compara cu Merca, Canada ta ofrece miho prijs ora e ta yega na studio universitario. Pues studiantenan lo paga menos



placa pa ricibi un enseñanza cu ta riba nivelnan masha halto mes. Esaki ta un di e bentahanan grandi cu Aruba lo kier haci uzo di dje. Actualmente tin tiki estudiante Rubiano studiando na Canada y e motibo mas grandi pa esaki ta falta di informacion.

Hopi biaha e studiantenan no tin mucho informacion riba kico ta encera studia na Canada

y nan no sa kico ta e programanan cu tin disponible tampoco. Canada ta un pais sumamente grandi y tin hopi diferente opcion cu por wordo tuma. Sra. Hooyboer – Winklaar ta bisa cu awo ta yega momento pa cuminsa distribui e informacion aki pa pueblo den un manera hopi clave pa esunnan cu ta aspi-



ra pa bay studia afo y cu tin Canada como deseo riba nan lista. E delegacion di Aruba a sinta cu diferente universidad pa introduci su mes pero tambe pa wak e posibilidad nan. Como entre otro intercambio di estudiante como tambe studio. Pero tambe cual ta e proceso pa un stu-



diente cu kier bay studia na Canada.

Aña escolar cabando

Pero mas cu claro, e aña academico 2014-2015 ta yegando un final. Pues esaki ta e momento pa cuminsa organisa encuentronan pa studiantenan cu tin of kier bay studia afo e aña escolar cu ta bin.

ria di universidad na Canada ya caba tin un plataforma di studiantenan cu ta bin di tur parti di mundo. Cual ta algo cu e studiantenan di Aruba, por custuma na dje hopi facil mirando cu nan ta bin di un isla cu riba su mes ta hopi multicultural. Canada riba su mes ta un pais cu ta yena di inmigrantenan di tur parti di mundo cu bin biba eynan y establece nan mes.

Establece fuerte

Hopi universidad Hulandes tabata presente na Canada, pasobra nan kier a haya mas informacion riba con Canada a logra establece su mes den un manera asina fuerte den e mundo di enseñansa superior.

Y explora e mundo di innovacion cu ta tumando luga na Canada awo. Na Ryerson University na centro di Toronto, tin un “university incubator” cual ta un proyecto unda cu diferente universidad ta bin hunto pa stimula entrepreneurship cu sector priva y gobierno. Pues tur 3 ta traha hunto pa stimula y reenforza e ideanan cu ta sali y duna nan un “jump start” pa asina nan por ta exitoso.

Hopi di e ideanan aki ta resolve problemanan cu ta afecta tur hende rond di mundo. Hopi biaha nan tin di haber cu enseñansa, medio ambiente, transportacion, etc.

E modelo aki ta locual ta destacando rond di mundo y Hulanda kier comprende esaki y wak con e ta hinca den otro. □

